

ՎԱՀԱՆ ԹԵՔԵՅԱՆ 1878-1945



Հայ բանաստեղծ, հրապարակախոս և հասարակական գործիչ **Վահան Գալուստի Թեքեյանը** ծնվել է 1878 թ. հունվարի 21-ին Կ. Պոլսում: Սովորել է ծննդավայրի Ներսեսյան, Պերպերյան, Կեդրոնական վարժարաններում: Աշխատել է Պոլսի ապահովագրական ընկերություններից մեկում, այնուհետև որպես առևտրական պաշտոնյա մեկնել է Անգլիա, Ֆրանսիա, Գերմանիա, Եգիպտոս: 1905թ. Ալեքսանդրիայում հիմնադրել է «*Շիրակ*» հանդեսը: 1908թ. այն փոխադրել է Պոլիս և հրատարակել որպես շաբաթաթերթ: Թեքեյանը նաև «*Արև*», «*Ժողովրդի ձայն*» և այլ պարբերականների խմբագիրն է եղել: Ժամանակի որոշ պարբերականներին աշխատակցելիս հանդես է եկել **Ասույ, Սկայորդի, Համշիրակ Բ** և այլ ծածկանուններով: Հայ ժողովրդի մեծ ողբերգության օրերին Թեքեյանը զբաղվել է որբ մնացած երեխաների ճակատագրի հարցերով: Հետագայում ուսուցչական գործունեություն է ծավալել Կ. Պոլսի, Կիպրոսի և այլ վայրերի հայկական ազգային վարժարաններում:

Թեքեյանը գրական գործունեությամբ սկսել է զբաղվել 19-րդ դարի 90-ական թվականներին՝ դառնալով արևմտահայ դասական բանաստեղծության վերջին և սփյուռքահայ բանաստեղծության առաջին խոշոր դեմքը:

Բանաստեղծի առաջին ստեղծագործությունը՝ «*Կաղանդը Կեսարիո մեջ*», 1894թ. տպագրվել է Պոլսի «*Հայրենիք*» թերթում, իսկ առաջին ժողովածուն՝ «*Հոգեր*»-ը՝ 1901թ. Փարիզում: 13 տարի հետո՝ 1914-ին, լույս է տեսնում բանաստեղծի 2-րդ ժողովածուն՝ «*Հրաշալի հարություն*» վերնագրով: Վարուժանի նման նա էլ է հայ ժողովրդի հերոսական անցյալն ու փառավոր օրերը հակադրում իր ժամանակի տխուր իրականությանը: 1918թ. տպագրված «*Կես գիշերեն մինչև արշալույս*» գրքում բանաստեղծը նկարագրում է Եդեսիի սարսափները, բնաջնջվող ժողովրդի ողբն ու տառապանքը: Այնուհետև հրատարակվել են Թեքեյանի «*Մեր*» (1933), «*Հայերգություն*» (1943) և «*Տաղարան*» (1944) ժողովածուները, որոնցում բանաստեղծը գրել է Սովետական Հայաստանի մասին, ոգևորվել նրա առաջադիմությամբ, ինչպես նաև փառաբանել Հայրենական մեծ պատերազմում հայորդիների հերոսական գործերն ու սխրանքը: Վահան Թեքեյանի բանաստեղծությունների մասին Վահագն Դավթյանն ասել է հետևյալը. «*Թեքեյանի լավագույն բանաստեղծությունները կարդալիս ինձ միշտ թվացել է, թե կանգնել եմ մեր ճարտարապետական որևէ նշանավոր կոթողի դեմ՝ նույն խորհրդավոր խոհունությունը, ձևերի նույն ներդաշնակությունը, նույն անզարդ ու զուսպ վեհությունը*»:


Թեքեյանը գրել է ոչ միայն չափածո, այլև արձակ գործեր: Նրա՝ գաղութահայ կյանքի ու ազգային-ազատագրական շարժումների մասին պատմվածքները սիրվել ու գնահատվել են ընթերցողների կողմից: Գրողը նաև ճանապարհորդական նոթերի, բազմաթեմա հոդվածների ու գրական արժեքավոր նամակների հեղինակ է: Ունենալով բանաստեղծական վառ երևակայություն ու վերլուծական միտք՝ Թեքեյանն իր ստեղծագործություններում կյանքի գաղտնիքները ըմբռնելու փորձ է արել, միաժամանակ վեր է հանել մարդկային հասարակության մեջ տեղ գտած անարդարություններն ու նրանում առկա կեղծ հարաբերությունները: Իր շատ երկերում գրողն անդրադարձել է հայ ժողովրդի պատմությանն ու ավանդություններին և հենց այդտեղից է քաղել իր գրույցների թեման ու ներկայացրել մշակումների տեսքով: Թեքեյանը նաև թարգմանություններ է արել Շեքսպիրի, Բողլերի, Վեռլենի և այլոց բանաստեղծություններից:

Թեքեյանը կյանքից հեռացել է 1945թ. ապրիլի 4-ին Կահիրեում և հուղարկավորվել տեղի հայկական գերեզմանատանը:

Սիրված գրողի գրական ու հասարակական գործունեությունն արժանացավ իր արդարացի գնահատականին. 1947 թ. Բեյրութում հիմնադրվեց Թեքեյան մշակութային միությունը, որն ունի հայկական մշակույթն ու արվեստը սփյուռքահայության մեջ տարածելու մեծ առաքելություն:

Առաջադրանքներ

1. Դիտի՛ր «Առաջին այրեր» վավերագրական ֆիլմը՝ նվիրված Վահան Թեքեյանին: **Հղումը՝** <https://www.youtube.com/watch?v=HlOtuZTxkk&t=262s>
2. Համացանցից գտի՛ր և ուսումնասիրի՛ր Վահան Թեքեյանի կյանքին և հասարակական գործունեությանը վերաբերող տեղեկություն:
3. Ներկայացրո՛ւ գրողի կենսագրական փաստերը, ստեղծի՛ր հեղինակի գրական դիմանկարը:
4. Մատնանշի՛ր Թեքեյանի դերը արևմտահայ և սփյուռքահայ գրականության զարգացման գործում:
5. Ըստ քեզ՝ որո՞նք են արևմտահայ և սփյուռքահայ գրականության ընդհանրություններն ու տարբերությունները: Ներկայացրո՛ւ Վենի տրամագրի միջոցով:



6. Ընթերցի՛ր «Դուն մերինն ես», «Գողթան երգիչներ», «Գեղոն Սոսյաց անտառին», «Հայ հոգիին», «Եկեղեցին հայկական», «Տաղ հայերեն լեզվին», «Ահավոր բան մը այնտեղ...», «Տարագրություն», «Ոսկեմարտ», «Աղվորները», «Քու հիշատակդ այս գիշեր...», «Ես սիրեցի» և այլ բանաստեղծություններ քո ընտրությամբ:
7. Վերլուծի՛ր սիրային, հայրենասիրական և խոհական բանաստեղծությունները:
8. Մեկնաբանի՛ր հայրենիքի ցավը, նրա նկատմամբ տածած մեծ սերը, նրա ապագայի նկատմամբ ունեցած մեծ հավատը ներկայացնող հայերգական գործերը:

9. Կարդա՛ «Տաղ հայերեն լեզվին» բանաստեղծությունը, ընդգծի՛ր հայոց լեզվի նկատմամբ սերը ներկայացնող համեմատությունները:
10. Գտի՛ր լեզվի և այն կրող ժողովրդի ճակատագրի ընդհանրությունները ներկայացնող տողերը:

Տաղ հայերեն լեզվին

*Քեզ, Հայ լեզո՛ւ, կը սիրեմ մրգաստանի մը նըման...
Մեր Անցյալին թանձրախիտ ստվերներուն մեջ՝ կարծես
Մեյ-մեկ պտոռ լո՛քու բոլոր բառերդ ինձի կ'երևան,
Որոնց մեջեն կը քալեմ ու կը քաղեմ մ'զանոնք ես...:*

*Մրգաստանի՛ մը նըման կը սիրեմ քեզ, Հայ լեզո՛ւ...
Մեր հայրենի պալատեն, պարտեզներեն մնացորդ՝
Դալարագեղ դուն պուրա՛կ, որ դիմացար դարերու,
Եվ կը մընաս միշտ առույգ, հին ավիշովդ կենսահորդ...:
Ծառերուդ մեջ հովանուտ կ'երթամ խինդով մ'անսահման,
Արմատներուդ, ճյուղերուդ վրա նայելով հիացիկ,
Զարմանալով, թե ինչպե՛ս դուն մնացիր՝ երբ սաստիկ
Քամին քու շուրջըդ փրչեց եւ տապալեց ամեն բան...:*

*Մէյ — մեկ պտոռու գույնզգույն՝ ամբողջ բառե՛րդ ահա՛,
Հյութե՛ղ բառերդ՝ զոր որքա՛ն հասունցուցին արևներ,
Բառե՛րդ, որոնք այս պահուս շրթա՛նցս վրա եմ բռներ,
Բառերդ որ քիմքըս կ'օծեն և կ'սփռփեն սիրտս հիմա...:*

11. Կարդա՛ «Քու հիշատակդ այս գիշեր...» բանաստեղծությունը, ցո՛ւյց տուր քնարական հերոսի կերպարի զարգացումն ու փոփոխությունը:
12. Ցո՛ւյց տուր բանաստեղծի վարպետությունը սիրո վերհուշը ընթերցողի համար հույզի վերածելու հարցում:

Քու հիշատակդ այս գիշեր...

*Քու հիշատակդ, այս գիշեր, զիս լալու չափ կը հուզե.
Կարծես մեկնած էր սրտես և գաղտնաբար այս գիշեր
Ետ կը դառնա, իր հին տեղն ու հին գգվանքը կ'ուզե,
Կը սեղմըվի գրկիս մեջ, կը բարձրանա կուրծքս ի վեր...:*

*Քու պատկերըդ աչքիս մեջ և քու ձայնըդ՝ ականջիս,
Կը թրթրոտան այս գիշեր, երակներուս մեջ կարծես
Քաղցրահոտ շունչդ է լեցված, որ կ'զգլիս, կ'օրրե զիս,
Մինչ երեսես ալ կ'անցնին կարծես մատներդ անտես:*

*Ետ կդառնան մի առ մի մեր հին ժամերն անկորուստ,
Կարավանին հետ աստեղց անոնք կ'ուզա՛ն վերստին,*

Հոգիս փարա՛խն է բացվող ընդդեմ իր քա՛ղցրը հոտին:

*Հիշատակովդ, այս գիշեր, կ՛զգամ անչա՛փ զիս հարուստ,
Այնչա՛փ բարի, երջանիկ... որ գրոթյամբ մը անհուն՝
Կը մտածեմ զայն բաժնել երկրի բոլոր խեղճերուն...:*

13. Մեկնաբանի՛ր ստեղծագործության կառուցվածքը: Ըստ կառուցվածքի՝
բանաստեղծության ո՞ր տեսակն է: Նշի՛ր արևելահայ այն բանաստեղծի անունը, որը
զարգացրել է բանաստեղծական այդ ձևը:

14. Ընթերցի՛ր Թեքեյանի «Եկեղեցին Հայկական» բանաստեղծությունը:

Եկեղեցին Հայկական

*Եկեղեցին Հայկական, ծննդավայրն է հոգվույս,
Բնչպես քարայր մ'ընդարձակ, պարզ ու խորհուրդ , մութ ու լույս,
Իր գավիթովն հյուրընկալ, իր լայն բեմով, ու հեռուն,
Կանգնած իր լուռ խորհանով, որ կարծես նավ մ' է ծրփուն. . . :*

*Եկեղեցին Հայկական, ես աչքըս գոց կը տեսնեմ,
Ու կը շնչեմ, կը լսեմ ՝ իր Հիսուսով մանկադեմ,
Իր սեղանեն մրիացող, գուլա - գուլա խունկերով,
Եվ իր պատերը ցնցող աղոթքներով ալեխոռով. . . :*

*Եկեղեցին Հայկական բարձրը բե՛րդն է հավատքին
Իմ պապերուս ՝ որ հողեն զայն քար առ քար հանեցին
Ու երկինքեն իջուցին զայն ցող առ ցող, ամպ առ ամպ
Ու թաղվեցա՛ն անոր մեջ հանդարտությամբ, հեգությամբ. . . :*

*Եկեղեցին Հայկական մեծ վարագույր մ' է բանված,
Որուն ետև, սրկիհին մեջ կ'իջնե ի նքը՝ Աստված,
Որուն առջև՝ զլիսահակ կու գա իմ ազգըս ամբողջ
Հաղորդըլիլ Անցյալին հաց ու զինվով կենսառողջ:*


*Եկեղեցին Հայկական ՝ ծովուն դիմաց ալեկոծ
Նավահանգիստ մ' է խաղաղ, ցուրտ գիշերին ՝ հո՛ւր ու բոց,
Ու տոթակեզ ցերեկին անտառ մըն է ստվերոտ՝
Ուր շուշաններ կը ծաղկին Շարականի գետին մոտ:*

*Եկեղեցին Հայկական մեն մի քարին տակ գետնի
Դեպի երկինք բարձրացող գաղտնի ճամբա մը ունի.
Եկեղեցին Հայկական Հայ Հոգիին և Մարմնույն
Զրրահանդերձն է փայլուն՝ մինչ իր խաչերն են դաշույն*

Եվ զանգակներն են բոմբյուն, և երգն է մի՛շտ հաղթություն. . .

15. Մեկնաբանի՛ր բանաստեղծությունը, ցո՛ւյց տուր այն տողերը, որտեղ բանաստեղծը շեշտում է եկեղեցու՝ որպես տարագիր հայերին օտարության մեջ միավորող միակ օջախի դերը:

16. Դո՛ւրս գրիր եկեղեցին բնութագրող պատկերները:



17. Ներկայացրո՛ւ բանաստեղծի լեզուն, ոճը, պատկերավորման միջոցները՝ բերելով համապատասխան օրինակներ: